



PDR 2014_2020 DE GALICIA

PROGRAMA DE DESENVOLVEMENTO RURAL

Medida 6

Desenvolvemento de explotacións agrícolas e empresariais

Submedida 6.2

**Axudas destinadas á creación de empresas para
actividades non agrícolas en zonas rurais**



Índice

<u>1. Medida 6. Desenvolvemento de explotacións gandeiras e empresariais</u>	3
<u>1.1. Submedida 6.2 Axudas destinadas á creación de empresas para actividades non agrícolas en zonas rurais</u>	3
<u>1.1.1. Que tipo de actuacións se financian?</u>	4
<u>1.1.2. Quen pode solicitar esta axuda?</u>	4
<u>1.1.3. Como se outorga a axuda?</u>	5
<u>1.1.4. Que requisitos se han de cumprir para recibir a axuda?</u>	5
<u>1.1.5. Que criterios serán utilizados para a selección?</u>	6
<u>1.1.6. A canto ascende esta axuda?</u>	7
<u>1.1.7. Quen xestiona esta axuda?</u>	8
<u>1.1.8. Marco normativo</u>	8
<u>1.1.9. Documentos e ligazóns relacionados</u>	9

1. Medida 6. Desenvolvemento de explotacións gandeiras e empresariais

En virtude desta medida preténdese favorecer a creación de empresas e o desenvolvemento e aumento da competitividade das explotacións, especialmente aquelas lideradas por agricultores mozos. É fundamental asegurar a substitución xeracional do sector agrario, así como a fixación da poboación en zonas rurais co fin de evitar o grave problema do despoboamento e o envellecemento do medio rural galego.

Os indicadores demográficos demostran o grave problema de despoboamento e envellecemento que sofre Galicia, moi especialmente nas zonas rurais do interior. A solución non é sinxela e require de apoios múltiples que pasan por mellorar as posibilidades de emprego e dotar ás zonas rurais de servizos que as fagan atractivas para a poboación, particularmente para a poboación nova.

A incorporación da poboación nova e capacitada ao sector agrario, o apoio ás pequenas explotacións, a diversificación da actividade económica, a creación de novas empresas, o apoio a microempresas e pequenas empresas non agrícolas, así como a extensión da rede de banda ancha ao total do territorio rural son elementos imprescindibles de desenvolvemento que fomentan a creación de emprego e, por tanto o asentamento poboacional.

Para lograr estes obxectivos, o Programa de Desenvolvemento Rural de Galicia 2014-2020 pon en marcha catro submedidas:

- ✓ Submedida 6.1 Axuda á creación de empresas para os agricultores mozos
- ✓ Submedida 6.2 Axudas destinadas á creación de empresas para actividades non agrícolas en zonas rurais
- ✓ Submedida 6.3 Axuda destinada á creación de empresas para o desenvolvemento de pequenas explotacións
- ✓ Submedida 6.4 Axuda para os investimentos na creación e desenvolvemento de actividades non agrícolas

En todos os casos consideraranse como criterios de prioridade os investimentos en proxectos innovadores recoñecidos no marco da AEI e as procedentes de iniciativas de cooperación e desenvolvemento local.

1.1. Submedida 6.2 Axudas destinadas á creación de empresas para actividades non agrícolas en zonas rurais

En virtude desta axuda apoiaranse aquelas iniciativas de creación de emprego en zonas rurais galegas mediante a primeira instalación ou desenvolvemento de actividades económicas non

agrarias viables. Este tipo de actuacións contribuirán tanto á diversificación económica como ao crecemento do emprego e a sustentabilidade territorial, en termos económicos e sociais.

1.1.1. Que tipo de actuacións se financian?

As iniciativas apoiadas non terán carácter agrario:

- ✓ Actividades de turismo rural, prestación de servizos turísticos, hostalería, iniciativas de agroturismo
- ✓ Comercio polo miúdo de produtos non incluídos no anexo I do Tratado de Funcionamento da Unión Europea (TFUE)
- ✓ Talleres e fábricas de bens e materiais
- ✓ Produción e/ou elaboración de produtos non agropecuarios
- ✓ Transformación e comercialización de produtos non incluídos no anexo I do TFUE
- ✓ Produción de enerxías renovables
- ✓ Prestación de servizos sociais (garderías, coidado de anciáns, de discapacitados, granxas escola,...)
- ✓ Prestación de servizos a calquera sector económico (agricultura, silvicultura, poboación rural, sector industrial e de servizos,...)
- ✓ Desenvolvemento da artesanía e actividades artesanais
- ✓ Actividades baseadas nas novas TIC, comercio electrónico
- ✓ Actividades varias como servizos de enxeñería, arquitectura, veterinaria, limpeza industrial, servizos técnicos, contabilidade, etc.

1.1.2. Quen pode solicitar esta axuda?

Poderán ser beneficiarios, coa condición de que localicen o seu proxecto nunha zona rural:

- ✓ Os agricultores ou membros dunha unidade familiar dunha explotación que diversifiquen as súas actividades en ámbitos non agrícolas.
- ✓ As microempresas e pequenas empresas de nova creación ou que inicien actividades nunca levadas a cabo antes pola empresa en cuestión, no momento da solicitude de axuda.
- ✓ Outras persoas físicas residentes nas zonas rurais, ben para crear unha nova empresa ou ben para seguir traballando na preexistente como traballador por conta propia.

1.1.3. Como se outorga a axuda?

A axuda terá carácter de pago a tanto alzado e concederase pola execución do plan empresarial ou plan de negocio que terá unha duración de 18 meses. Os proxectos deberán cumprir integramente os obxectivos para os que foron aprobados no momento da certificación final, non admitíndose o seu cumprimento parcial ou limitada a fases de proxectos. As axuda pagarase en dúas cotas: unha primeira, correspondente a un 60% do importe da axuda, cando acredite o inicio das actuacións incluídas no plan empresarial nun prazo máximo de 9 meses contados desde a notificación da concesión da axuda; o importe restante, cando se consigan os obxectivos do plan empresarial, como máximo ata os 18 meses desde a notificación de concesión da axuda.

1.1.4. Que requisitos se han de cumprir para recibir a axuda?

Os solicitantes haberán de presentar un plan de negocio ou plan empresarial que mostre a viabilidade da iniciativa.

O plan empresarial deberá:

- ✓ Contemplar o desenvolvemento de actividades económicas non agrícolas.
- ✓ Ser tecnicamente viable. Deberá cumprir todos os requisitos normativos para o desenvolvemento da actividade na súa localización.
- ✓ Ser economicamente sustentable: o negocio deberá xerar a rendibilidade suficiente para o seu sostemento a longo prazo.
- ✓ A empresa beneficiaria deberá dispoñer de capacidade para afrontar os investimentos e capital circulante necesarios para a posta en marcha do plan empresarial, xa sexa mediante fondos propios ou capacidade de acceso ao crédito.

O plan empresarial describirá como mínimo os seguintes aspectos:

- ✓ Antecedentes da entidade e/ou promotores
 - Capacidade técnica e tecnolóxica: recursos humanos, técnicos, materiais, colaboracións, cooperación, patentes I+D+i, certificacións de calidade e ambientais.
 - Capacidade comercial: canles de comercialización, mercados, grao de internacionalización, exportacións.
 - Capacidade económica: principais activos e aspectos máis significativos dos estados financeiros
- ✓ Proxecto
 - Orixe e xustificación (necesidade, oportunidade e adecuación do proxecto ou actuación respecto da entidade)



Descrición técnica (contido, metodoloxía, fases,...)

Necesidades de medios técnicos (descrición detallada e valorada dos novos investimentos).

Necesidades de medios materiais (descrición dos materiais adquiridos e utilizados).

Necesidades de persoal asociadas ao proxecto.

Subcontratacións externas (axentes colaboradores, alcance e fases da colaboración).

Fases (calendario de execución) para a realización e para o logro dos obxectivos.

✓ **Produto e mercado**

Tamaño do mercado, características e competencia.

Análise comercial do produto (cota de mercado e comparación fronte á competencia)

✓ **Análise económico do proxecto**

Previsións económicas

Estrutura da financiación

Rendibilidade e previsións de tesoureira

O plan comezará a aplicarse dentro dos nove meses seguintes á data en que se adopte a decisión pola que se concede a axuda. Deben ser proxectos viables financeiramente e axustarse á normativa sectorial correspondente (comunitaria, estatal e autonómica) e o promotor non debe estar suxeito a situación ou procedemento xurídico e/ou administrativo que o inhabilite para poder optar á subvención.

Dependendo da natureza e da magnitude da actuación proxectada, deberá incluírse un capítulo específico sobre problemas relacionados co cambio climático, centrado nas medidas de mitigación e adaptación que se adoptarán.

As operacións non deben estar iniciadas na data de presentación da solicitude e deben desenvolverse no ámbito xeográfico das zonas definidas como rurais de Galicia. Ademais deben ser finalistas e cumprir os obxectivos para os que foron aprobados no momento da certificación final, non admitíndose fases de proxectos.

1.1.5. Que criterios serán utilizados para a selección?

Aplicaranse criterios de selección de maneira obrigatoria, mesmo nos casos en que o orzamento da convocatoria sexa superior á demanda de financiamento. Os criterios de selección deberán estar claramente definidos antes do inicio do proceso de solicitude para garantir a igualdade de trato de todos os posibles solicitantes. En xeral, para cada criterio de



selección outórganse puntos e a puntuación total da aplicación debe ser a suma dos puntos de todos os criterios de selección que se satisfagan. Fixarase un certo limiar mínimo de puntos que debe alcanzar unha solicitude para acceder á axuda. En particular poderanse valorar os seguintes criterios:

- ✓ Localización xeográfica das actuacións, para o que se terá en conta tanto a situación e evolución demográfica da zona en cuestión como o seu desenvolvemento socioeconómico.
- ✓ Creación de postos de traballo directos e indirectos que poida inducir a actividade.
- ✓ Achega económica prevista por parte dos promotores ao proxecto en relación ás necesidades financeiras globais do proxecto.
- ✓ O grao de complexidade técnica do produto ou servizo.
- ✓ Novidade do produto ou actividade no ámbito xeográfico de implantación e no mercado obxectivo
- ✓ Utilización de enerxías renovables e TIC
- ✓ Calidade, claridade e concreción do proxecto
- ✓ Incidencia do proxecto sobre determinados colectivos (mozos, mulleres e colectivos desfavorecidos)
- ✓ Posta en valor de produtos ou capacidades da zona.
- ✓ Xeración de novos mercados e potenciación da exportación que poida supoñer a actividade.

1.1.6. A canto ascende esta axuda?

A subvención de capital non poderá superar a contía de 70.000 euros.

A axuda consistirá nunha prima cuxa contía básica establécese en 20.000 euros, e que poderá incrementarse nas seguintes situacións:

- ✓ De acordo o seguinte rango de investimento executado:
 - De 20.000 a 30.000 €: a prima incrementase en 12.500 €
 - De 30.001 a 40.000 €: incrementase en 17.500 €
 - De 40.001 a 60.000 €: incrementase en 25.000 €
 - De 60.001 a 80.000 €: incrementase en 31.500 €
 - De 80.001 a 100.000 €: incrementase en 40.500 €
 - Maior de 100.001: incrementase en 45.000 €
- ✓ Creación de emprego adicional na empresa non agrícola, ademais da man de obra

correspondente ao beneficiario da axuda: 20.000 €.

- ✓ Creación dunha empresa non agrícola situada nunha zona con limitacións naturais ou outras limitacións específicas contempladas no artigo 32 do Regulamento (UE) 1305/2013: 5.000 €.

As axudas correntes pagaránse en dúas cotas: unha primeira, correspondente a un 60% do importe da axuda, cando acredite o inicio das actuacións incluídas no plan empresarial, nun prazo máximo de 9 meses contados desde a notificación da concesión da axuda; o importe restante, cando se consigan os obxectivos do plan empresarial, como máximo ata os 24 meses desde a notificación de concesión da axuda.

1.1.7. Quen xestiona esta axuda?

Esta axuda será xestionada polo Instituto Galego de Promoción Económica (IGAPE) da Consellería de Economía, Emprego e Industria.

1.1.8. Marco normativo

- ✓ Regulamento (UE) N° 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns ao FEDER, FSE, Fondo de Cohesión, Feader e FEMP
- ✓ Regulamento (UE) N° 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)
- ✓ Regulamento (UE) N° 1307/2013 do Parlamento Europeo e do Consello, do 17 de decembro de 2013, polo que se establecen normas aplicables aos pagos directos aos agricultores en virtude dos réximes de axuda incluídos no marco da Política Agrícola Común
- ✓ Regulamento (UE) N° 1407/2013 da Comisión, de 18 de decembro de 2013, relativo á aplicación dos artigos 107 e 108 do Tratado de Funcionamento da Unión Europea ás axudas de minimis
- ✓ Regulamento Delegado (UE) N° 807/2014 da Comisión, do 11 de marzo de 2014, que completa o Regulamento (UE) N° 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader), e introduce disposicións transitorias
- ✓ Lei 9/2007, do 13 de xuño, de subvencións de Galicia
- ✓ Decreto 11/2009, do 8 de xaneiro, polo que se aproba o regulamento da Lei 9/2007 do 13 de xuño de subvencións de Galicia



- ✓ Lei 14/2013, do 26 de decembro, de racionalización do sector público autonómico

1.1.9. Documentos e ligazóns relacionados

- ✓ Normativa aplicable ás infraestruturas no medio rural (Consellería do Medio Rural)
http://mediorural.xunta.gal/es/institucional/normativa/medio_rural/infraestructuras
- ✓ Instituto Galego de Promoción Económica (Igape)
<http://www.igape.es/gl/>
- ✓ Para obter máis información, consulte a sección 8.2.5.3.2 do Programa de Desenvolvemento Rural de Galicia 2014-2020

